

روایت

عظمت صفت

أشرف السيد

عفاريت وفيت

هما الأشباح والعفاريت ليهم عمر؟! ويتري بيعيشوا كام سنة؟ السؤال ده مارحش عن بالي من أول ليلة ليا في دكان صفية.. شوفت حاجات عمري ما كنت مصدقها لحد ما شوفتها بعيني، طول عمري بسمع من الناس لكن دي أول مرة اشوف.



عفارييت وفييت

انهاردة انا اشتريت دكان وهبدأ اشتغل فيه والأرزاق على الله، أمي باعت صيغتها علشان تساعدني أدفع تمن الدكان والنهاردة هروح انضف المكان وأرش مائة وأعلق اليافطة الجديدة بتاعتي وانزل البضاعة اللي اتفقت عليها مع التاجر وكمان أرصها في الدكان ، وفعلا روحت وبدأت أمسح التراب عن الباب وانا متشوق أفتحه وطلعت المفتاح من جيبي وفتحت الباب هو صحيح باب قديم وكنت حاسس إنه هيتخلع وانا بفتحه لكن مش مشكلة هبقى أجيب باب غيره، المهم دخلت ولقيت الدكان مليان تراب وريحته زي الزفت ماهو مقفول بقاله زمان ده غير خيوط العنكبوت اللي في كل حته، بس مش مشكلة انا هنضفه وأخليه يلمع.

وكان فيه في النص طراييزة كده مدورة زي الطبلية والدكان موجود فيه الأرفف القديمة لسه زي ما هي ودي هستخدمها مش هغيرها، بدأت أنضف الدكان واللي لفت انتباهي الباب كان عمال يفتح ويقفل ويزيق بصوت مزعج وبررت المشهد بانه باب قديم وعلشان كده بيزيق، لكن اللي ملقتلوش مبرر هو الشعر الأسود الطويل اللي لقيته على الأرض وانا بكنس، مسكته في إيدي وسألت نفسي يتري الشعر ده وصل لهننا إزاي، ولأني مشغول ومستني التاجر رميت الشعر على الزبالة وولعت في الزبالة وحرقتها وكانت ريحتها وحشة جدًا خصوصًا وهي بتتحرق حتى جاري عم "جمال" اللي ساكن قريب من الدكان جه اشتكى من الريحه ولما لقاني انا اللي فاتح الدكان وواقف فيه وبنضف قرب من الدكان وقال:

الله، الله.. هو انت يا "محمد" يا ابني اللي اشتريت الدكان؟

وقبل ما أكمل الحوار اللي دار بيني وبين عم جمال هعرفكم بنفسي واقولكم ليه اشتريت دكان صفيه ومين هي صفيه

عفريت وفيت

أنا اسمي محمد عندي 29 سنة عايش مع مراتي وابني وأمي، كنت بشتغل سواق على عربية بضاعة باخد البضاعة من التجار وبوزعها على الدكاكين، وطول عمري نفسي يبقى ليا دكان ملكي ابيع فيه واشتري وعلشان كده اشتريت دكان صفية، مكنتش أعرف مين صفية دي انا اشتريت الدكان من واحد اسمه "عبدالله الدسوقي" المهم خلوني احكيلكم عن السر اللي اكتشفته ورا صفية ودكانها.

لما عم جمال سألني وأكدته إن انا اللي اشتريت الدكان اتفاجئت لما لقيته بيقولي:

_الله! إزاي يبيعوا لك الدكان، اللي أعرفه إن دكان صفية مايتباعش ولا ينفع يروح لحد برة عيلة الدسوقي.

_جرا إيه يا عم جمال؟! انت مش عاوزني أخذ الدكان ولا إيه؟!

_يا ابني كنت شوفلك دكان في حته تانية يكون رزقها واسع، ده مقفول أديله سنين.

_ادعيلي انت بس وان شاء الله ربنا هيكرمني.

مشي عم جمال وهو بيدعيلي، كنت حاسس إنه عاوز يقولي حاجة واتردد ورجع في كلامه... المهم خلصت تنضيف الدكان واستقبلت البضاعة من التاجر اللي كنت متفق معاه وبدأت أرص البضاعة في المحل، لكن اللي حصل فجأة وانا بفتح الكراتين بإستخدام سكين حادة جرحت إيدي بالغلط، بس كان الجرح صعب ونزف دم كثير على الأرض وقتها لما الدم نزل على الأرض ظهر أثر لدم قديم كان موجود وناشف ولازق في البلاط مشيت مع خط الدم القديم ولقيت إن بداية الدم جاية من عن العتبة مدخل الدكان، غريبة أوي أنا لولا ما إيدي اتجرحت ونزفت مكنتش هشوف الدم ده أصلا، ونوعية البلاط دي مش بتنصف بسهولة، يعني البقعة اللي تسبب أثر.. أثرها بيقعد بالسنين، حطيت مناديل على الجرح وجبت الشرشوبة وحاولت أنصف الدم وقعدت أمسح، لكن مجرى الدم القديم مايتمسحش مهما حاولت أمسحه

عفاريت وفيت

وقتها كملت شغلي عادي وبدأت ألزق على الحيط صور عليها آيات قرآنية، وانا بعلقهم افكرت الصورة اللي كانت متعلقة هنا وانا حطيتها على واحد من الأرفف، والصورة دي قديمة أبيض واسود وهي صورة راجل عجوز ولابس طربوش، معرفش مين الراجل ده، بس كل حاجة هنا بتقول إن الدكان وراه سر قديم وانا بصراحة بدأت أقلق، اتصلت بالعمال اللي هيشيلوا اليافطة اللي عليها اسم دكان صفية علشان خلاص هعلق يافطة جديدة بإسمي انا، لكن العمال قالو هيجوا بكرة، قفلت الدكان بعد ما خلصت ورجعت البيت وقولت هعمل الإفتتاح من بكرة بعد ما أعلق اليافطة الجديدة... أول ما وصلت للبيت حكيت لأمي كل حاجة حصلت معايا النهاردة وهي أدتني مصحف وقالتلي:
_ خد يا محمد يا ابني المصحف ده حطه هناك في الدكان علشان ربنا يحميك ويباركلك في رزقك.

_ أمي انا فاكر زمان وانا صغير لما كنا ساكنين في المنطقة اللي فيها الدكان وكانوا العيال في الشارع بيقلوا إن فيه عفريته جوه الدكان ده وكنا بنخاف نلعب بالليل في الشارع، بس لما كبرنا نسينا الحكايات دي ومحدثش بقى يفكرها، حتى جدة صاحبي كانت بتحكيلنا حكايات غريبة عن صفية والدكان وكنا بنخاف من الحكايات اللي بتحكيها لنا، ومحدثش فينا صدق الكلام الفارغ ده، وانا النهاردة بعد ما قضيت يوم في الدكان جاي أقولك إن انا حاسس بحاجة غلط.. وعاوز أصدق الكلام اللي بسمعه، بس العقل رافض يصدق حواديت ست عجوزة كانت بتحكيها للأطفال.

_ يا ابني اسمعني كويس الشارع واقع بين حارتين وكان زمان أوي فيه كبارية وحمام زي حمام التلات وبيقولوا فيه أفلام أبيض واسود اتصورت هناك، ده غير الإنجليز اللي كانوا بيحوا يسهروا ويسكروا هناك، ومع الزمن كل حاجة اتغيرت وطلعت أبراج وعمارات ومفیش حاجة على حالها، عيلة الدسوقي هما اللي مرضيوش يبيعوا الدكان من زمان واهو النهاردة بقى بتاعك وبكرة تكبره وتعمله زي الأبراج اللي حواليك.

عفاريت وفيت

كلام أمي طمني لكن اللي خلاني رجعت قلقت تاني وانا نايم بالليل لما اتصل بيا رقم غريب وقال:

_إلحق يا محمد تعالى بسرعة الدكان بتاعك بيولع، والنار في كل حته.. إلحق يا ابني محدش قادر يقرب من الدكان.

اللي كلمني ده يبقى عم جمال عرفته من صوته ، قومت مفزوع وجريت روحت الدكان وكانت النار في كل حته والناس واقفين بره بجرادل المايه والخراطيم، لكن بمجرد ما فتحت الباب النار اتطففت لوحدها، الأغرب من كده إن النار دي محرقتش حاجة أصلا ولا خلفت وراها رماد والدكان لسه زي ما هو، الحاجة الوحيدة اللي اتحرقت هي الصور اللي عليها آيات قرآنية.. حتى الناس كلها استغربت من اللي حصل وفي وسط الذهول اللي احنا فيه عدى علينا "عوض" السمكري وهو بيقول:

_مش خايفين من صفة؟ .. صفة عمرها ما سابت حقها لحد، دكان صفة اتفتح ومعه فتحتوا على نفسكوا أبواب خراب ونار ملهاش آخر.. اهربوا قبل ما يحل عليكم الموت والخراب.

السمكري ده يبقى واحد كان بيصلح الحاجات البايضة وخسر محله وكل فلوسه ومن بعدها اتجنن وبقي بيمشي يخرف في الشوارع، صحيح الجملة اللي قالها دي غريبة أوي، وفي الليلة دي سمعت جمل تانية أغرب كلها بتتكلم عن صفة وعن الدكان كلام كتير زرع الخوف جوايا... بعد ما الناس مشيت قفلت الدكان ومشيت انا كمان، رجعت البيت حتى قبل ما امشي اتأكدت إن كل حاجة تمام في الدكان يعني.. أحسن تحصل حاجة زي دي تاني حرايق يعني، انا لحد دلوقتي لسه بفكر بالمنطق ومش مقتنع بالكلام اللي الناس بتقوله، ما هي الناس ياما بتتكلم.

وعلى نفس الخطوات تاني يوم روحت فتحت الدكان وقعدت استنى العمال اللي هيغيرولي اليافطة، وبعد ساعات بدأت الناس تشتري مني، اتفائلت وقولت ده أكيد بركة دعوات أمي وخلص هلاقي رزقي وأكل عيشي

هنا

عفاريت وفيت

وعدى اليوم لحد المغرب حتى مراتي اتصلت بيا علشان أرجع أتغدى في البيت بس انا رفضت انا لازم أركز في شغلي ده انا لسه فاتح المحل النهاردة، وانا قاعد في المحل فجأة لقيت "عبدالله الدسوقي" داخل عليا ده يبقى الراجل اللي انا اشتريت منه الدكان.. وقبل ما يقعد طلع من جيبه كيسة سودة ورماها قدامي، وقال:

_ خد دي فلوسك يا معلم محمد، انت كده فلوسك في إيدك وانا مش هاخذ منك الدكان.. يعني خليك فاتحه واسترزق منه وربنا يكرمك، انا مش هاخذ منك الفلوس دي إلا لما تستقر في الدكان وترتاح وتتأكد إنك مش هترجع في كلمتك. _ أيوه يا استاذ عبدالله، لكن ده احنا مضيينا العقود.

_ لا، لا.. كده انا هبقى مطمئن وانا واثق إنك راجل حقاني، وعلشان انا سمعت كلام كثير يمس الدكان ومايرضينيش أورتك في الدكان وهو سمعته بالشكل ده.. هستأذن أنا واسيبك تشوف شغلك.

لما مشي الأستاذ عبدالله الفرحة اترسمت على وشي، بس انا كده اقدر اشتغل وانا مرتاح نفسيًا وكلها شهر وارجعله الفلوس تاني، وفي وسط ما انا فرحان والإبتسامة على وشي وفجأة يدخل عندي عوض السمكري ويبدأ يحكي لي ويقول:

_ الأرض اتغيرت والناس جه مكانها ناس ومحدث لسه على حالو إلا صفية، إلا هي لسه بتحمي الدكان... هي بتيجي هنا، انا بشم ريحها وبحس بوجودها، هي هنا دلوقتي، خاف على نفسك من الخراب والموت اللي هيحاطك من كل جانب واهرب.

لما قال الجملة دي برطمان الصلصة وقع على الأرض واتكسر من غير أي سبب، وباب الدكان اترزع واتقفل لوحده، كأن فيه حاجة بتحذرنا من المكان ولا كأنه زلزال والدكان هيقع على دماغنا.. في اللحظة دي انا اتخنقت من الراجل ده علشان كده زعقتله وطردته بره، وهو خارج كانت داخلة الحاجة "خيرية" كلنا هنا بنقولها يا جدتي وتبقى جدة صاحبي اللي كانت بتحكيلنا زمان حواديت

الرعب

عقاريت وفيت

المهم وهي داخلة قالت:

_متزعقلوش.. سيبه ده مسكين، انا أول ما عرفت إن دكان صفية اتفتح طرت من الفرحة وقولت لازم أجي أشوف بنفسى وأبارك، اسمع يا ابني تاخد بالك من نفسك ومن الدكان وبإذن ربنا مش هيحصل حاجة وأوعى تخاف.

وهي بتكلمني راحت ناحية الأرفف اللي في زاوية الدكان وحركت الرف على جنب كده للحظة ظنيت إنها كسرت الرف، ودخلت إيدها بين الحيط والرف، كأنها لقيت مخزن سري، لفته إيه؟! دي عارفة مكانه كويس، كنت مستغرب ومستنيها تتكلم وتقولي هي بتعمل إيه!! وفعلا مشيت على عكازها وقربت مني وقالتلي:

_ورا كل رف من دول خزنة صغيرة كانت صفية بتخبي الأمانات لحد ما تسلمها لأصحابها.. أمانة عليك بلاش تشيل اليافطة وتغير اسم دكان صفية، سيبه.. سيبه زي ما هو، هي اللي قالتلي أجيلك وأقولك سيب كل حاجة زي ما هي. كانت بتقولي كده وهي ماشية ناحية الباب وخرجت، المهم أنا أصلا كده كده مكنتش هغير اليافطة، لأن الأستاذ عبدالله رجعلي الفلوس.. واحتمال مكملش في الدكان ده، بس غريبة أوي الأرفف اللي وراها جيب سري، ده انا نفسي مخدتش بالي من حاجة زي دي.

آخر جملة قالتها الحاجة خيرية كان لازم أقف عندها، يا إما إنها ست كبيرة وبتخرف يا إما إنها بتتواصل مع الأموات.. وفي الحالتين انا هعتبر إني ماشوفتش الست دي النهاردة.

وانا قاعد سندات دماغي على الطرايزة المدورة اللي كانت موجودة في الدكان، غصب عني غمضت عنيا وكنت هنام ولما فتحت في اللحظة دي شوفت قدامي ست بصفير طويلة وبتبصلي وملامح وشها بتقول إنها غضبانة أوي.. للحظة كدة فكرتها زبونة وجاية تشتري، لكن أنا مكنتش قادر أتحرك من مكاني.. زي ما أكون اتشليت وكمان صورتها مشوشة قدامي وهي منطقتش بولا كلمة لكن دي رفعت إيدها وكانت عروقتها بارزة بشكل مخيف

عفاريت وفيت

وفي ثانية كده خبطت خبطة جامدة على الطراييزة بسببها قومت مفزوع وملقتش حد قدامي يظهر كنت بحلم ولا بيتهريالي، أخذت نفسي وشربت بوق مائة، وقتها حسيت بحاجة دافية نزلت على رقبتى مسحت بإيدي واكتشفت إن اللي نزل على رقبتى ده دم.. اتخضيت وبصيت للسقف ونزلت قطرة دم على وشي رغم إن مكنش فيه أي فتحة في السقف.. خوفت واتحركت شوية بحيث إن الدم ماينزلش على دماغي لكن لقيت رجلي بتدوس على بقعة دم جاية من عند عتبة المحل، خرجت أجري بسرعة علشان أنه لحد من الشارع يشوف اللي بيحصل في الدكان بس بمجرد ما خرجت لقيت باب اترزع واتقفل ورايا، ولما خرجت بره ملقتش حد.. كانت المنطقة كلها مقطوعة معرفش هي الناس راحت فين؟!

شوية كده بدأت أطمئن نفسي واتحركت ناحية باب الدكان، حاولت أفتحه وقعدت أضغط عليه لحد ما قدرت أفتحه.. وبمجرد ما اتفتح لقيتها قدامي الست اللي شوفتها لما نمت على الطراييزة، وضفايرها طيارة في الهواء، ولا الدم اللي بينزل على وشها المتشقق.. كنت حاسس قلبي هيقف من المنظر اللي شوفته بعنيا شيلت إيدي من على الباب.. في اللحظة دي الباب اترزع تاني في وشي.. وانا مستنيتش دقيقة واحدة، أخذت ديلي في سناني وجريت... وعلى أول الشارع وأنا بجري قابلت عم جمال، اللي وقفني وهو بيندهلي وقالى:
_ مالك يا محمد.. فيه إيه يا ابني؟ بتجري كده ليه؟!
وقفت وانا بنهج وعرقان وببص ورايا.. بدأت أحكيه اللي حصل معايا في الدكان ونهيت كلامي وانا بقوله:

_ انا معرفش مين الست دي.. دي شكلها اللهم أحفظنا عفريته.
_ عفاريت إيه يا ابني، تعالى معايا بس... ده انت تلاقيك منمتش كويس وبيتهريالك.. يلا، يلا... لو قولت الكلام ده لحد هيتريق عليك.
مشيت وراه وروحنا عند الدكان ولقينا الباب مفتوح

عفارييت وفييت

مشيت وراه وروحنا عند الدكان ولقيننا الباب مفتوح ومفيش أي حاجة غريبة وكان فيه عيل صغير من المنطقة جاي يشتري مي طلبات وقال:

إيه يا عمو ده انا كنت همشي وندهتلك وانت جريت مردتش عليا. وقتها عم جمال خبط على كتفي وقال:

أهو مش قولتلك مفيش حاجة؟ اطمنت دلوقتي.. ادخل شوف أكل عيشك يا ابني الله يباركلك.

إزاي؟! ده انا متأكد من كل حاجة شوفتها.. هو إيه اللي بيحصلي ده... كملت شغلي عادي، وعلى آخر اليوم كده جيت أقفل الدكان علشان أروح البيت، لكن اللي حصل لما قفلت الشباك وطفيت النور ومشيت ناحية الباب علشان أخرج من الدكان الباب اتقفل وانا اتحبست جوه الدكان وبدأت أحس بالرعب والخوف بسبب الحركة الغريبة اللي بدأت أحس بيها حواليا، وكنت حاسس بموجة هواء شديدة جات فجأة خلت الباب اتفتح واستغلّيت الفرصة خرجت بسرعة وبمجرد ما خرجت اتكعبلت في العتبة ووقعت على الأرض جامد واتعورت في دماغي حطيت إيدي على الجرح ولقيته بينزف، قلقت وقفلت الجرح بالمنديل وبعدها مشيت على البيت علطول، ومش فاكر إذا كنت قفلت باب الدكان بالقفل ولا سبته مفتوح، بس لما رجعت البيت الحمد لله كان الجرح بسيط، لكن لقيت أمي تعبانة ومش قادرة تاكل ولا تتكلم ومراتي قالت إنها اتصلت بيا كثير لكن موبايلي مقفول.. مستنتش كثير وغيرت هدوي واخذت أمي وديتها المستشفى وهناك دخلت العناية المركزة وانا قعدت جمبها طول الليل في المستشفى ولسه مخفتش وأول ما طلع النهار جات مراتي وقالتلي: يا محمد روح انت افتح الدكان وشوف أكل عيشك وتبقى تناملك شوية وسيبني انا مع والدتك وهحطها في عنيا متقلقش

عفاريت وفيت

مراتي صممت إن انزل وهي تقعد مع أمي وهو ده اللي حصل نزلت وروحت الدكان ولقيت السمكري واقف عند الباب زي ما يكون مستنيني وفعلا أول ما شافني جري عليا ومسكني من هدومي وقالني:
_أمشي.. أمشي من هنا، مترجعش تاني صفية هتقتلك انت وعيلتك كلها.
زقيته ووقعته على الأرض وفتحت الدكان بتاعي عادي، ودخلت ما انا مش ناقصه هو كمان... لقيته بيشاورلي على سطح الدكان، رفعت عيني لفوق ببص شوفت الست دي طيارة في الهوا فوق الدكان وضايرها الطويلة بتتحرك حواليتها، رجعت أبص تاني للسمكري لقيته نزل إيده ولما بصيت لفوق تاني ماشوفتش حاجة، حسيت كأن حد خبطني على دماغي من الصدمة هو اللي شوفته ده بجد، رجعت شعري لورا وبعد ما فتحت وروقت الدكان بدأت الزباين تهل، ده انا حتى مكنتش عارف اتصل بمراتي اطمئن على أمي، وكل شوية السمكري يجي يضاقني ويضايق الزباين بكلامه الغريب، وفي كل مرة انا بطرده، وقعدت في الدكان طول اليوم وبعث كثير لدرجة إن البضاعة قربت تخلص وعلشان كده كلمت التاجر واتفقت معاه ينزل بضاعة جديدة، وكلمت مراتي وقالتلي:

_ يا محمد الأدوية خلصت ومحتاجين أدوية ولازم تيجي تجيبرها، علشان مامتك تعبانة أوي.

_ انا جاي متقلقيش معايا فلوس.. وهجيب كل حاجة.
وفعلا قفلت باب الدكان وروحت المستشفى قعدت مع أمي وجبتلها العلاج بتاعها وعلى بالليل كده، رجعت على الدكان تاني، واتفاجئت لما لقيت عربية التاجر واقفة قدام الدكان ومفيش حد جوه العربية قولت تلاقى التاجر لما لقاني تأخرت، وقف العربية هنا وراح يصلي ولا بيعمل حاجة وروحت فتحت باب الدكان ودخلت وقتها نورت اللمبة واتفاجئت لما لقيت التاجر واقع على الأرض ومتعور في دماغه، قومته بسرعة وقعدته على كرسي وبدأت أعالجه الجرح

عفاريت وفيت

أما هو اتنهد وبدأ يحكي لي:

_ انا قعدت أندهلك وأخبط على الباب لكن محدش رد عليا، ولما الباب اتفتح دخلت ولقيته فجأة اترزع جامد واتقفل ورايا حاولت أفتحه لكن متفتحش، خوفت وقعدت أخبط على الباب من جوه، لكن فجأة سمعت صوت واحدة ست بتضحك بصوت عالي والصوت ده جاي من ورايا اتلفتت ملقتش حاجة وفجأة شوفت قدامي ضفيرة شعر أسود طويلة اتلفت حوالين رقبي وشدتني جامد ووقعت على الأرض واتعورت في دماغي وشوفت الدم على إيدي وكانت الست عمال تلف حواليا شوفت رجليها وضايرها بيتحركوا حواليا وبعدها حسيت بنفس دافي بيقرّب مني في اللحظة دي غمضت عنيا وفتحت لقيت وشها قريب أوي من وشي وكان وشها متشقق وبينزل دم، والدم نزل على الأرض قدام عيني وبعدها صرخت صرخة عالية أوي، صوتها اتردد في المكان كله، وانا كنت مرعوب وقلبي هيقف، وفعلا أغمى عليا لحد ما انت جيت وفوقتي. _ متخافش.. انت كويس.

_ انا عاوز أمشي من هنا.. خليني أمشي من هنا.

قالي الكلمتين دول وهو خارج من الدكان وبيجري ناحية العربية وركب العربية بسرعة ومشى من غير ما يسلمني البضاعة، وباين عليه إنه تعبان كده ومش مركز.. وانا كمان مركزتش معاه وقولت أبقى أطلب البضاعة من تاجر غيره، وقعدت وانا بفكر في الكلام اللي حكاهولي التاجر دلوقتي، هو إيه اللي خلى الباب يتقفل عليه من الأساس، انا قلقان من ناحية الدكان ده، وليه عبد الله الدسوقي باعهولي انا تحديداً بالذات لما عرف إن انا هفتحه استرزق منه، وتلاقي ناس كتير عرضت تشتريه..

عفاريت وفيت

بس هو رفض، دلوقتي انا لازم أعرف إيه اللي ورا الدكان، وانا بفكر وبكلم حد في التلفون فجأة حسيت إن الأرض تحت رجليا اتهزت كده واتحركت حركة غريبة، لدرجة إن انا قولت يكونش زلزال وخرجت برة الدكان... ولما لقيت الدنيا تمام ومفيش حاجة رجعت للدكان تاني، كنت بكلم "فارس" صاحبي هو اللي شار عليا إن انا اشترى الدكان ده وأبطل اشتغل لحد.. واشتغل لنفسي، وطلبت منه يجيلي وفعلا جالي في الدكان ما هو متربي معايا في نفس المنطقة، ولما جة قعدنا نتكلم وهو قالي:

_ اسمع يا محمد الدكان انت اشتريته بتراب الفلوس وغيرك عاوزينك تسببه
علشان ياخدوه.. وكل ده علشان يخلوك تسببه وتعرضه للبيع.

_ انت عندك حق، بس ده انا كمان بحس بحاجات وبشوف حاجات.

_ ما هما لازم يعملوا كل حاجة تطفشك من الدكان، متشغلش بالك.. انا هبقى
أبعثلك الشيخ "عطية" ده راجل مبروك، ولو فيه حاجة في الدكان هيعرفها.
_ بقولك إيه انا مش ناقص تجييلي ساحر ولا دجال من بتوعك، ده لو مفيش
عفاريت العفاريت هتخضر على نفسهم.

فارس ضحك جامد وقالي:

_ اسمع مني يا محمد وأوعى تفرط في الدكان بالسهولة دي.

سمعت لكلام فارس واتمسكت بالدكان، بس أه لو أعرف إيه اللي ورا الدكان
ده، وعلشان كده قولت لفارس:

_ ماتيجي معايا، انا بفكر أروح المقابر... تحديدًا كده عند مقابر عيلة الدسوقي.

_ لا بقولك إيه بطل جنان، واحنا نروح المقابر ليه؟

_ كنت عاوز أشوف قبر صفية.

_ اعقل وكفاية عليك دكانها، انا ماشي

عفاريت وفيت

لما فارس مشي سألت عن مقابر عيلة الدسوقي، وروحت بسرعة وهناك لقيتهم كاتبين الأسماء على المقابر ومنها عرفت أحدد قبر صفية وقفت حوالي عشر دقائق وانا بقراً قرآن في سري، وبعدها مشيت ورجعت الدكان تاني، يدوب قعدت اتصلت بيا مراتي وطلبت مني أروح لأمي على المستشفى، وباين على صوتها التوتر وهي بتتكلم خوفت يكون أمي جرالها حاجة.. وانا قلقت وروحت علشان أطمئن على أمي... لما وقفت جمبها وهي نائمة على سرير المستشفى وشوفت قد إيه تعبانة بدأت أعيط زي الطفل الصغير فجأة لقيتها فتحت عنبرها وبدأت تمسك إيدي وتقولي:

_سيبه.. سيبه يا ابني، كفاية انا خايفة عليك.

هي مكنتش قادرة تتكلم ومانطقتش تاني بولا كلمة وفجأة دخل الدكتور والمرضات وخرجوني وبعد حوالي ساعة الدكتور خرج من جوه وقال:

_والدتك اتوفت، البقاء لله.

بعد الجملة اللي قالها لي الدكتور مفيش وصف ولا كلام يعبر عن حزني على أمي. تمت الدفنة وعملت العزا، وبعد كام يوم رجعت تاني أفتح الدكان بتاعي واشتغل، وقتها جالي السمكري وأديتله أكل وقولتله:

_أخرج.. يلا أخرج بره الدكان.

استجاب ليا وهو خايف مني وقال وهو خارج:

_امشي ومتجيش هنا تاني ومتفتحش الدكان، متعرفش الدور على مين بعد موت أمك.

_أمشي، أمشي من هنا يا مجنون انت.. هو انا كنت ناقصك انت كمان. وفي نفس الوقت دخل الأستاذ عبدالله الدسوقي، وسمع الكلام اللي قاله السمكري، لقيته يببطب عليه ويخرجه بره ورجع قال:

_السمكري أجّر مني الدكان قبل كده، قبل ما يحصله اللي حصل

عفاريت وفيت

_ إيه؟! هو السمكري كان عاقل زي وزيك؟! وإيه اللي حصل؟
_ وأعقل مننا كمان، هو راجل صعيدي جه من سوهاج ومعاه مراته وولاده وأجر الشقة القديمة والدكان فتحه محل حدادة يعني حداد وبقى السمكري واللي حصله في خلال اسبوع واحد ماتت مراته وولاده بسبب انبوبة بوتجاز سربت الغاز في الشقة واتخنقوا لأن الشقة كانت متقفلة وماتوا، وفي نفس اليوم النار ولعت في الدكان واتحرقت كل حاجة تخص "عوض السمكري" ومن وقتها وهو على الحال ده، بيلف على الأرصفة ويرجع يقعد هنا تاني، كتر خيريه ما هو اللي شافه مش قليل.

_ انا مش مصدق اللي انت بتحكيهولي... انا حتى أول مرة أعرف إن اسمه عوض، وبعدين إيه اللي حصل بعد الحادثة دي؟
_ محدش جه يأجر الدكان تاني، وكلهم عاوزين يشتروه علشان يهدموه ويبنوا مكانه برج زي الأبراج الحديثة اللي في كل حتة، وأبويا الله يرحمه رفض وكان موصيني إن الدكان يفضل دكان زي ما هو.. المهم لما عرفت ان انت هتفتحه دكان زي ما هو وافقت ابيعهولك.
_ أه بس هي صفيه تبقى قريبتك إزاي.
_ صفيه دي تبقى جدتي مامت أبويا.. وأبويا ورث عنها الدكان، وماتت في حادثة زمان وهي صغيرة.
_ على كل حال انا هكمل الشهر ده في الدكان وهرجعلك فلوسك لحد عندك، يا إما أرجعلك الدكان ونتفق ودي.

_ انت جدع يا محمد، وانا عملت معاك كده.. علشان أعرفك وأعرف أهلك كويس.
_ الأستاذ عبدالله راجل محترم، قالي الحقيقة وانا مقدر كل اللي عمله معايا، كملت يومي في الدكان وعلى بالليل كده وانا بقفل الدكان وماشي، ظهرت قدامي على الحيط خطوط دم والحيط بدأت تتشقق، زي ما تكون هتقع على دماغي، خوفت ورجعت لورا وانا قلبي مقبوض لحد ما وصلت للزرار اللي شغلت منه اللمبة ومع الإضاءة اللي نورت المكان ملقتش حاجة من اللي

شوفته

عفارييت وفييت

رجعت طفيت النور تاني وخرجت لقيت بره ناس بتوزع ورق كده زي ورق الإعلانات وأول ما أخذت الورقة لقيتها ورقة دعوة للناس تروح تسمع شيخ كبير هيجي في جامع قريب منا، وكمان عم جمال جه قالي:

_ الشيخ "جاد" راجل متدين ويعرف ربنا ابقى خليه يجي يقرأ لك قرآن علشان الدكان ينصف من اللي فيه، ولا انت لحد دلوقتي مش واخذ بالك.

_ طب.. كنت بقولك لو ينفع تكلمه انت؟ انا فعلا شايف إن انا محتاج شيخ بس مش عارف اجيبه إزاي لو عرف حاجة عن الدكان.

_ خلاص سيبرها عليا انا هكلمه، بس مش هنقوله حاجة، احنا نقوله إن الدكان مقفول بقاله سنين وعاوزين البركه تدخله.

اتفقنا انا وعم جمال وروحنا الجامع مع بعض بعد صلاة العشا الشيخ طلع المبر وبدأ يتكلم عن التاريخ المصري وقد إيه مصر عظيمة وانتصرت على كل الأعداء اللي احتلوها ومصر بلد قوية ومفيش حاجة قدرت تكسرهما، لحد ما احتلوها الإنجليز وانتصرت عليهم وهو بيتكلم عن الإنجليز قال حاجة مهمة أوي إن المنطقة اللي احنا فيها دي كانت من مناطق المقاومة ضد الإحتلال الإنجليزي وإن المقاومة كانت بتتجمع في الأماكن الضيقة واللي مستحيل عساكر الإنجليز يتوقعوها، وبعد ما اتكلم شوية عن التاريخ رجع قرأ قرآن مرة تانية، وبعد الخاتمة قال للناس ينصرفوا..

وقتها عم جمال قرب منه وقاله على موضوع الدكان، وفعلا الشيخ "جاد" رحب بينا ووافق إنه يجي معانا، وجبته عندي الدكان وبمجرد ما فتحت الباب والشيخ خطى برجله من جوة واللمبات كلها اطفت وبقينا منورين بكشافات الموبايل وبدأ الشيخ يقرأ قرآن وأثناء ما هو يقرأ الشبابيك بتتفتح وتتقفل لوحدها، والحاجات بتقع من على الأرفف، وحاجات بتترحل على الأرض حتى جتني اتلبشت ومبقتش قادر أستني في الدكان لحظة واحدة رغم إن الشيخ مستمر يقرأ قرآن

عفاريت وفيت

وبيردد أدعية تجب الرزق وانا مشغل كشاف موبايلي وشوفت على الأرض
ضفاير شعر اسود كثير اوي والضفاير بتتحرك وبتتلف حوالين الكرسي اللي قاعد
عليه الشيخ، وحوالين رجليا انا كمان وانا كنت بردد قرآن مع الشيخ مع إني
مرعوب ومش عارف اتصرف إزاي، وعاوز أجري وأسبب الدكان، وأول ما الشيخ
خلص وخرجنا بره الدكان اللمبات رجعت اشتغلت ولما دخلت جوه ملقتش أي
حاجة، خرجت تاني على صوت الشيخ وهو بيندهلي وخط إيده على كتفي
وقالي:

_ اسمع يا محمد انت تصلي وتقرب من ربنا وتدعيه وإن شاء الله ربنا هيحميك،
ومفيش حاجة هتقدر تأذيك.. ربنا كبير، وانت توكل على الله وابقى هات
تسجيل ولا راديو وشغله على إذاعة القرآن الكريم وسيبه شغال ال 24 ساعة.
_ أيوه يا شيخ بس انا خايف أوي، وأوقات كثير مبعرفش أتصرف إزاي.
_ أوعى تخاف، انت صاحب حق، الضعيف بس هو اللي بيخاف.
مشي الشيخ بعد ما قالي الكلام ده، رغم إننا ماقولنالوش عن اللي بيحصل في
الدكان بس هو عرف بنفسه من اللي شافه جوه، وانا قررت أعمل زي ما الشيخ
قالي وجبت راديو وشغلته وسبته في الدكان وقعدت 3 أيام مابروحش الدكان
خالص ولما روجت لقيت الراديو اتحرق ومش شغال قولت يمكن علشان
اشتغل كثير ولما حاولت اشغله فضل يعمل صوت صريخ وضحك وبعدها اتقفل
لوحده ومشتغلش تاني حتى انا اتخضيت من الأصوات اللي سمعتها خرجت
منه، صريخ وضحك وجملة كده سمعتها متشوشة "الموت.. النار.. الخراب"
خوفت مش عارف إيه المقصود من الكلمات دي

عفاريت وفيت

ركنته ونزلت بضاعة جديدة وانا حاطط السلم الخشب وبطلع عليه السلم وقع بيا وانا بقع لاحظت إن بلاط الأرضية بيتخلع، قولت ده أكيد علشان الدكان قديم والبلاط محتاج يتغير ومحطتش في دماغي ما انا مكنتش متخيل إيه اللي ممكن ألاقه تحت الدكان، خلصت ورتبت البضاعة على الأرفف وخرجت بره لقيت الحاجة خيرية بتسند على عصايتها وجاية عندي، رحبت بيها وقعدتها ولما ارتاحت شوية قالتلي:

_ نويت على إيه يا محمد؟

_ نويت على إيه إزاي مش فاهم؟!

_ هتقفل الدكان؟؟!

_ لحد دلوقتي انا بشتغل فيه وباكل منه عيش.

_ صفية مش هتسيبك.. روحها لسه موجودة في المكان، وهي عايشة الكل كان بيعملها ألف حساب، عمرها ما سمحت لحد ياخذ منها حاجة ولا عمرها وطت راسها لحد.

_ انتي بتتكلمي كده ليه؟ انا مش خايف.. انا اشتريت الدكان وبقى ملكي ومش هسيبه، ومتخافيش عليا.

_ خد بالك كل اللي قرب من الدكان قبل كده خسر واتأذى.

انا عارف ليه الحاجة خيرية بتقولي كده، بس انا قررت أقف قصاد الكيان الغريب ده وأثبت حقي ومش هسيب الدكان، لكن للأسف سمعة الدكان بقت وحشة والناس بتتكلم كثير عنه وعن شبح صفية، حتى مراتي بقت تنصحي اسيب الدكان لكن انا قررت هقف قدام الشيء الملعون اللي عاوز يقطع عيشي، أول حاجة عملتها كلمت فارس وقولتله بيعتلي الشيخ عطية مع إني كنت رافض التعامل مع الدجالين والسحرة وحددنا المعاد وروحت فتحت الدكان وقعدت أستنى الشيخ عطية، بس لما دخلت اتفاجئت لكن لما لقيته موجود عندي في الدكان وهو "عوض" السمكري، معرفش هو دخل هنا إزاي، ومش بس كده ده كلمني بطريقة غريبة بصيغة تحذير وكان صوته متغير كأن عشر أشخاص بيتكلموا في نفس الوقت

عفاريت وفيت

وقال:

_ انت اللي اخترت الموت بنفسك، وانا ياما حذرتك.. انت عاوز تتحداني وهتلاقي الموت أقربلك، كل ما تخطي خطوة هتقرب من الموت وحياتك تنتهي، انت اللي فتحت الدكان وانت اللي بدأت.

"لحظات سكوت"

وبعد ما خالص كلامه خرج يجري وقعد على الرصيف اللي قصاد الدكان، أما انا وقفت في حالة ذهول مش قادر أستوعب اللي سمعته وخوفت أوي، بس إزاي اتراجع.. لا انا هكمل كلها شوية والشيخ يوصل، قعدت كل خمس دقائق أبص على السمكري، وهو كمان قاعد على الرصيف وبيبصلي لحد ما جه الشيخ عطية ومعاه فارس، وبدأت أحكيه التفاصيل وهو سألني:

_ حصل ونزفت دم على الأرض؟ وكمان انا عاوز أعرف سبق وقضيت ليلة هنا؟
_ الحقيقة انا نزفت دم فعلا، لكن منمتش ولا ليلة هنا.. فهمني هو فيه إيه؟!
_ الدم بيستفز الجن والعفاريت، وبرضو لو نمت وقضيت ليلة كاملة في مكان انت شاكك إنه مسكون.

وبعدها طلب مننا نخرج ونسيبه جوه في الدكان لوحده ومحدث يدخل ولا يخبط عليه، كنت شايف في عينه نظرات خوف وضعف وده خلاني أحس إن الشيخ عطية مش هيقدر يعمل حاجة، المهم لما خرجنا طفى اللمبات، ومابقيناش سامعينه أي صوت وقعد جوه على الحال ده يجي ساعة، وقتها قولت لفارس:

_ خرينا ندخل، احنا مستنيين إيه؟

_ لا.. اهدى كده، استنى وهو هيخرج.

سبت فارس واتحركت ناحية باب الدكان وقبل ما أفتحه لقيت الشيخ عطية خرج.. خرج وظهرلنا بوش بشع جدًا وله قرون ومليان شعر وكان لابس جلابية، انا خوفت من منظره المقرف وقعدت أضربه بالطوب وانا بقوله:
_ أعوذبالله منك يا ملعون، أعوذ بالله منك.

عفاريت وفيت

فارس فضل يمنعي ويقول:

_ ده الشيخ يا محمد.. اللي انت بتضربه ده الشيخ عطيه.. إيه اللي انت بتعمله ده؟
إيه اللي جراك؟

لما الشيخ قرب مني إتأكدت منه ومن هيئته، معرفش إزاي شوفته شيطان بقرون، أما هو حط إيدته على دماغي وكان بيتتمتم بكلام غريب، خلاني اتعرفت أوي وبقيت شايف الشيخ بأسنان طويلة كأنه مصاص دماء وعنيه لونها أحمر، وإيدته بتحرقني كأنها جمرة نار اتعرفت منه أكثر، وقولته:
_ ابعده عني.. ابعده عني.

وزقيته بكل قوتي الغريب بقي لما لقيته اتخبط جامد في حيط عالية ونزل على الأرض وهو بيصرخ من الآلام، وبيتلوى على الأرض، بعدها قعد يزحف لحد ما هرب وساب الشارع كله، وفارس كمان خرج معاه.. معرفش إزاي بقيت بالقوة دي، وليه هما الإثنين جريوا من قدامي، دخلت الدكان ولقيت عضم بشر موجود على أرضية الدكان والبلاط متكسر وفيه طلاقات رصاص فاضية قديمة، وورق جرايد وقماش أبيض جمعت كل الأدلة اللي تثبت كلامي وأخذتهم كلهم معايا على البيت حتى معرفش الحاجات دي جات مينين. وكتبت كل حاجة حصلت على الورق وسبت الورق في البيت، ومش هتراجع عن قراري، ورجعت الدكان تاني..

وحصلت حريقة كبيرة واتحرق الدكان واتحرق أبويا ومات،

انا ابقى "يوسف" ابن محمد اللي اشترى دكان صفية من الأستاذ عبدالله الدسوقي، أبويا اللي قرر ميخافش ويقف قدام عدو مجهول، رغم كل التحذيرات اللي جاتله، وقبل موته سجلي كل حاجة حصلت معاه من أول ما اشترى الدكان، انا النهاردة تميت الـ 18 سنة وعرفت السر اللي مستخبي ورا دكان صفية السر اللي أبويا ما قدرش يعرفه، بعد الحريق اللي حصل في الدكان ومات فيه أبويا، وأثناء البحث ورا الحادثة اكتشفوا حاجة غريبة جدًا لقيوا ورا كل رف من أرفف الدكان رف سري، والأرفف السرية دي كان جواها أوراق قديمة أوي كانت منشورات ضد الإنجليز بتعرض الشعب عليهم

عفاريت وفيتر

كانت صفية هي اللي بتوزعها ماهو نفس الشارع كان فيه الكبارية اللي الإنجليز كانوا بيسهرها فيه، ومع البحث في المكان لقيوا الجوابات اللي كانت بتيجي لصفية فيها الخطط اللي تمشي عليها، ولا عضم الميتين ده كان بقايا جثث العساكر الإنجليز اللي صفية قتلتهم بالخدع اللي وقعتهم فيها، أما اللي قتل صفية فهو ظابط جينرال تبعهم.. تبع الإنجليز حب صفية حتى قالوا إنه اتجرأ ومسك ضفايرها وهي ضربته، ولما رفضته شرب وسكر وهو سايق عربية من عربيات الجيش، وكانت صفية واقفة عند مدخل الدكان على العتبة يعني، وهو جه بسرعة خبطها بالعربية، وهي وقعت ودماغها اتشقت على عتبة الدكان ودمها سال ودخل لجوه الدكان ومن وقتها والدكان اتقفل، وبعد كام يوم الظابط نفسه اتقتل وفي نفس الشارع والحاجة خيرية هي اللي حكيت الحكاية دي على حسب ما سمعت، وكل جيل سلم الحكاية للي بعده وصفية رجعت تاني علشان تحمي دكانها، وانا بعد ما عرفت ده كله اتكلمت مع ماما علشان أفتح الدكان وهي رفضت رفض تام وانا قولتلها إن الدكان من حقي وانا ورثته عن أبويا، وعلشان أثبتلها إن الدكان سليم ومافهوش أي حاجة روحت هناك بنفسي وانا معايا المفتاح ووقفت قدام باب الدكان وقبل ما أدخل المفتاح في الباب، ظهرت قدامي على الباب صورة صفية بنفس مواصفاتها اللي الناس قالتها وكمان لفت عليا ضفايرها وبقيت متكثف ومش قادر انطق ولا أتنفس لحد ما المفاتيح وقعت من أيدي، بعدها لقيت الضفاير بتتفك عن جسمي ورجعت اتحررت من تاني، مستنيتش لحظة وجريت وسبت المفاتيح على الأرض وخلاص بعد اللي شوفته ده انا هسمع كلام ماما ومش ممكن أقرب من هناك تاني، بس بعد كام يوم الناس قالوا إنهم لقيوا جثة واحد متلثم شكله حرامي وجثته ملفوفة بالشعر الأسود، لقيوا الجثة دي قصاد باب دكان صفية والباب مفتوح والمفتاح راكب في الكالون، ولحد دلوقتي لسه مستمرة الحكايات المرعبة حوالين دكان صفية

عفاريت وفيت

ويفضل السؤال الأخير يترى شبح صفية هو السبب في موت أبويا ولا أبويا انتحر زي ما اتكتب في المحضر؟! الشعر الأسود والدم وعضم الميتين ودكان صفية المقفول كل دي حاجات تثبت إن شبح صفية موجود لحد النهاردة، ما هو بعد حادثة أبويا الكل بقى يخاف من الدكان وبقى يتعمله ألف حساب، ومن كام يوم كده واحد كلمني وقالني إنه عاوز يشتري مني الدكان والغريب بقى إنه عارف كل حاجة عن الدكان، ودي فرصتي ابيعه بالسعر اللي انا عاوزة ومن غير علم أمي، ولما سألت عرفت إن الراجل ده دجال بتاع سحر وأعمال.. أنا أبيعله الدكان وأسببه يصفي حسابه مع شبح صفية، رجعت البيت عند امي وبعدها بسنين حصلت حاجه غريبة اوي واحنا بنبني جامع علي قد الحال، عندنا في البلد الأهالي جمعوا مبلغ وبنوا بيه مسجد صغير ولما المسجد اتشطب.. واحد من أهل الخير بعتلنا مصاحف نحطها في الجامع، وبعتلنا نعش من اللي بينقلوا فيه الميتين وكمان بعت حوالي خمس أكفان، أيًا كانت الطريقة اللي وصلنا بيها التابوت انا كنت المؤذن في الجامع ومسؤل عن النضافة، المهم لما جات الصدقة كان من ضمنها تابوت أو خليني أقول نعش، التابوت ده حجمه كبير يعني مش هينفع يتحط في المسجد خصوصًا الأيام دي لأن فيه اصلاحات لسه شغالين عليها، ومينفعش نتخلص منه لأننا هنستخدمه لما نيجي ننقل حالات الوفاة بدل ما نروح نجيب نعش من قرية تانية وبرضو لأن مدخل البيت عندي واسع وفاضي أخذته عندي في البيت وسبته عند المدخل مؤقتًا لحد ما ألاقي مكان مناسب نحط فيه النعش، وأول ما دخلت بيه وانا شايله مراتي "أم محمد" ما انا اتجوزت ودلوقتي عندي محمد ابني علي اسم ابويا الله يرحمه اللي خاض شهرور مع شبح حليمه المهم قالتني:

إيه اللي انت جايبه ده يا يوسف؟ ده نعش؟! وداخل بيه علينا؟! ده فال

وحش

عفاريت وفيت

_ فيها إيه يا ولية! أومال أوديه فين؟
_ ترجعه من مكان ما جبته ده أنا من أول ما شوفته وجتتي اتلبشت.
_ هو انا جايبهولك تنامي فيه؟! ده هيترمي هنا كام يوم كده لحد ما ارجعه المسجد.

عاندت مع مراتي ودخلته وسبته في مدخل البيت، وعدي اليوم كله عادي بالإضافة للخناقات الكثير اللي تمت بيني وبين مراتي وبسبب كده أخذت العيال وسابت البيت، كبرت دماغي وقولت هتقعد يومين في بيت أهلها وهترجع وروحت فردت جسمي على سريري ونمت وانا لوحدي في البيت، وبمجرد ما غمضت عنيا صحيت مفزوع وبنهج.. بصيت حواليا لقيت نفسي نايم جوه التابوت وعرقان أوي، خرجت من التابوت وقلعت الجلابية ورميتها على الأرض وانا مصدوم وبسأل نفسي انا وصلت لهننا إزاي؟! غسلت وشي وروحت الأوضة اللي هنام فيها وهناك بمجرد ما دخلت لقيت واحدة ست لابسة أسود في أسود، كانت واقفة ومدياني ضررها، لما شوفتها قدامي قولت لها:

_ انتي مين يا ست؟ وإزاي دخلتي هنا؟

اتلفتت وكشفت عن وشها.. وانا اتخضيت ورجعت لورا تاني لما شوفت بشاعة منظرها، اتنهدت هي بصوت مسموع ولأن البيت فاضي الصوت شق سكون الليل ومع تاني مرة تتنهد فيها بنفس الطريقة صرخة في وشي صرخة عالية صوتها ردد في البيت كله وبسببها أغمى عليا حتى ما حسنتش بالخبطة اللي اتخطرها في رجل السرير وسببتلي جرح في دماغي حسيت بيه لما فوقت وفتحت عنيا لقيت مراتي واقفة قدامي وبدل ما تساعدني أو حتى تنور اللمبة دي قالتلي:
_ قولتلك ابعده عن التابوت وانت مسمعتش الكلام، عاجبك اللي حصلك؟
وطول ما التابوت عندك ياما هتشوف.

رديت عليها وانا متأثر باللي حصلي ومش مستوعب الطريقة اللي هي بتكلمني بيها

_ انتي.. انتي بتكلميني كده ليه، ده.. ده فيه دم بينزل من دماغي

عفاريت وفيت

وهنا لقيت على الجبهة الثانية مربع محفور ومكتوب فيه "تابوت صفية 2007" مفهمتش ده معناه إيه؟ بس المختلف في النعش ده إن خشبه من احسن أنواع الخشب كان متوفر زمان، سبته مقلوب وطلعت فوق قولت يمكن تكون أم محمد بعنتلي أكل زي عوايدها أما بتروح بيت أهلها... ولما طلعت فوق بدأت أسمع صوت دق خشب جاي من تحت، نزلت بسرعة دورت في البيت كله ملقتش حاجة، بس واحدة واحدة، بدأت اسمع صوت الدق واطي جدًا وقتها انا معرفتش أحدد الدق جاي مين، بس لما قربت من النعش وكان مقلوب زي ما سبته وزقيته برجلي في اللحظة دي الدق وقف، بعدها علطول رفعت النعش وملقتش حاجه تحته، بس لاحظت حاجة غريبة تبان صغيره لكنها علققت معايا، النعش كله لونه أسود كان فيه جمب متقشر وعليه قطرات دم ناشف، لمستته بإيدي والدم كان بيتقشر وقتها موبايلي رن، مراتي هي اللي بتتصل، بس لما فتحت المكالمة رد محمد ابني وقال:

_الحقنا يا بابا، ماما تعبانة أوي وكل شوية تنام وتصحى مفزوعة وتصرخ، وتبدأ تقول كلام غريب.

_طب خلاص خلاص يا حبيبي أنا جاي حالاً.

روحت بسرعة على بيت حمايا وهناك لقيتهم كلهم خايفين ومرعوبين وحابسين عفاف مراتي في أوضة لوحدها، ومحمد مع جدته، ولما فتحت الباب ودخلت لقيت مراتي في وضع مش كويس وهي مرمية في الأرض على ضررها وبتزحف بطريقة غريبة، وبتطلع دم من بوقها..وفجأة وقفت قدامي، ووشها بدأ ياخذ تجاعيد بشكل معين كدة ولما ملامحها اتغيرت افكرت ملامح الست اللي شوفتها عندي في البيت مسكت إيد أم محمد وهزيتها جامد علشان تفوق من اللي هي فيه، لكن لسه زي ما هي وكمان عنيتها بدأت تنزل دم

عفاريت وفييت

سبتها في الأوضة وخرجت لقيت محمد بيقولي:

_يا بابا هي ماما مالها دي من لما انت جبت التابوت وانا خرجت عند جيرانا ورجعت لقيتها نائمة جوه التابوت صحيتها وقتها قامت مفزوعة وعيظت وجابتنا على هنا.

كده انا فهمت، خرجت بسرعة جبت الشيخ عبدالله شيخ الجامع، ورجعت معاه أول ما شافها قالي:

_روح حط إيدك على دماغها واقراها قرآن، واعملها رقية شرعية لحد ما تهدأ، وان شاء الله خير.. بس انت مش عارف اللي حصلها ده من إيه؟

_ايوه.. التابوت، أقصد ال.. النعش، هي نامت جواه وانا كمان، فجأة كده صحيت لقيتني نايم جواه معرفش إزاي ده حصل.

_طب خلاص ابقى خرج التابوت من عندك، وانا هسأل وأعرف النعش ده حكايته إيه.

عملت زي ما الشيخ قالي، والحمد لله عفاف بقت كويسة، ولظروف معينة مش هينفع أبات عند أهل مراتي.. وعلشان كده رجعت البيت لوحدي، وأول ما فتحت الباب زقيت النعش برة قدام الباب وسبته وطلعت فوق غيرت هدومي ونمت وعلى نص الليل كده صحيت على صوت حد بيخبط على الباب جامد، قومت مفزوع وقتها الصوت اختفى كان أشبه بصوت الدق اللي سمعته امبارح قومت بصيت من الشباك مكنش فيه أي حد في الشارع.. واتأكدت من كده لما قولت:

_مين.. مين اللي بيخبط؟

ولأني كنت تعبان رجعت نمت وبمجرد ما روحت في النوم لقيت الدق والتخبيط رجعوا تاني وبطريقة مزعجة أكثر من الأول.. اتضايقت أوي وقومت ولعت سيجارة ونزلت أشوف مين اللي بيخبط وأول ما فتحت الباب شوفت قدامي الشيء اللي متوقعتش إنه يحصل لقيت الشيخ عبدالله نايم جوه النعش، صحيته وهو كمان فاق ومش مستوعب هو فين وجه هنا إزاي دخلته عندي

عفاريت وفيت

وقولته:

_ انت كويس يا شيخ عبدالله؟

_ الحمد لله يا ابني، بس انا مش عارف انا جيت هنا ازاي؟ _ يظهر إن التابوت ده وراه مصيبة، احنا نحرقه ونخلص منه.

_ لا... أوعى تحرقه، اللعنة اللي عليه انتشرت وسطينا، واللعنة مش هتختفي بحرق النعش... إحنا لازم نشوف حكايته إيه علشان قبل ما نخلص منه نخلص من اللعنة معاه، سكت وانا حاسس بذهول من اللي سمعته ده، يعني احنا دلوقتي متحاوتين بلعنة مش عارفين هي إيه؟

المهم كل اللي عملته الليلة دي إن انا وصلت الشيخ عبدالله بيته هو قريب من هنا.. ولما رجعت لقيت التابوت جوه البيت مع إني مدخلتوش عديت من جمبه وخطيت رجلي على أول سلمه والنور قطع ومع قطع النور والضلمة اللي بقت حواليا في كل حته سمعت صرخة طويلة عالية رنت في كل أركان البيت، وبعدها رجع الهدوء مرة ثانية للبيت وهنا سمعت صوت بيردد وبيقول:

_ رجع التابوت وأوعى تحرقه... اللي هيحرق التابوت النار هتحرقه، رجعلي التابوت، رجعه، سمعت الكلام اللي اتقالي وحاسس إن انا اتخشبت مكاني، حتى بالعافية بلعت ريقني، وحاولت أتحرك وأخرج بره البيت وفعلا مشيت ناحية الباب وانا بفتحه كانت إيديا منملة، ولما فتحته وخرجت الباب اترزع ورايا وانا برة، وقعدت على العتبة لحد ما النهار طلع وده تاني يوم تفوتني صلاة الفجر، قومت صليت وفتحت الدكان بتاعي، والغريب بقى وانا واقف في الدكان عدى عليا الحاج حسين وهو من أهل البلد وقال:

_ جرا إيه يا يوسف ده انا جيت أصحيك علشان تصلي معانا الفجر كنت هتضربني وزقيتني وانا في سن والدك، وكمان انت كنت نايم على العتبة ليه، هو انت بقيت بتشرب يا ابني ولا إيه حكايتك؟!

انا مش فاكر أي حاجة من اللي هو بيحكىهولي، حتى انا مصدوم من اللي بسمعه.. لكن رديت عليه بأدب وقولته:

_ لا يا عم حسين انا مقصدش، بس متأخذنيش يعني أصل انا تعبان شوية

عفاريت وفيت

وقعدت أخذ وأدي معاه في الكلام... ولما مشي رجعت البيت صورت التابوت والكتابة اللي عليه، ورجعت تاني الدكان عدى يجي ساعة وانا بحاول اتواصل مع حد من المشايخ الكبار، لكن مع دخول الشيخ عبدالله عليا وانا بشتغل قرب مني ووالي في ودني:

_ انا وصلت للراجل اللي اتبرع بالنعش والحاجة اللي جاتلنا، ولما سألته قالي إنه اشترى التابوت من واحد يبييع حاجات قديمة ومستعملة وأداله النعش ده ببلاش.. المهم انا جبت عنوانه شوف نروحله امتي علشان نعرف حكاية التابوت ده إيه؟!

_ احنا لسه هنستنى... هقفل الدكان ونروحله دلوقتي.

وفعلًا قفلت الدكان وروحت انا الشيخ عبدالله على عنوان الراجل اللي قالي عليه، أول ما وصلنا بيته كان فيه جمب بيته حته أرض واسعة وفيها سراير قديمة وكراسي وطريزات، وكان معلق على بيته يافطة صغيرة مكتوب عليها "موبليات المعلم شحاتة للأثاث المستعملة" لما خبطنا على الباب خرج المعلم شحاتة، وقتها الشيخ عبدالله قاله:

_ انت المعلم شحاتة احنا جاينلك من طرف الأستاذ اسامة اللي انت أديتله النعش.

_ أيوه.. أيوه أي خدمة؟! تؤمرني بحاجة يا استاذ؟

بدأت أحكيه كل اللي حصل معانا من أول ما استلمنا النعش وانا بحكيه حسيت زي ما يكون فيه حاجة مش عاوز يقولها لنا، بس لما خلصت كلامي قالنا:

_ انا معرفش أفيدكوا بحاجة... حتى انا أما بتيجي سيرة الجن والعفاريت جتني

بتتلبش، بس كل اللي اقدر أساعدكوا بيه إن انا أوصلكوا بالراجل اللي جابلي

النعش وهو راجل تربي اسمه الحاج عباس.. راجل عجوز بس فيه صحة ولسه

بيدفن الميتين، ساكن في الشارع اللي ورا القهوة روح هناك واسأل عن "عباس

التربي" ألف مين يدلك

عفاريت وفيتر

بصينا لبعض انا والشيخ عبدالله كنا حاسين إنا قربنا نوصل لحاجة ومن عند شحاتة بتاع الموبيليا مشينا لحد القهوة ومن هناك أخذنا توكتوك لحد بيت الحاج عباس الثري، ولما وصلنا عنده وقعدنا اتكلمنا معاه وحكىنا له كل حاجة لقينا فجأة قام وقف وقالنا:
_ تعالوا ورايا الكلام هنا مينفعش.

خرجنا معاه وركب توكتوك وأخذنا معاه وطلع بينا على المدافن اللي هو بيشتغل فيها ودي قريبة من بيته مسافة عشر دقائق، لما وصلنا.. الحاج عباس مشي قدامنا وسط الجبانات وانا والشيخ عبدالله مشينا وراه لحد ما وقف عند جبانة وقال:

_ دي جبانة صفية وابنها، صفية اللي لقيتوا اسمها مكتوب على النعش من تحت واللي متعرفهوش إن النعش نفسه كان جوه قبر صفية.
اتصدمنا بسبب الجملة اللي سمعناها، وبرضو لسه مجمعناش الفكرة، ياترى إيه حكاية صفية وابنها وهنا الشيخ عبدالله قال:
_ انا مالي بده كله، احنا هنخلص من النعش ده إمتي؟ وإزاي؟ ده احنا مابقيناش عارفين ننام.

رد الحج عباس وباين عليه حاسس بالذنب وقالنا:
_ انا كل اللي أعرفه من زمان لما جيت أدفن الست صفية، بناتها قالوا لي أخلي النعش جوه معاه في القبر، وده اللي حصل.. سبت النعش جوه ولحد من شهر كده جه فريق متطوعين بيخرجوا الأعمال والسحر المدفون في المقابر وهما ييلفوا على كل المدافن وخرجوا أسحار وأعمال كثير ولما وصلوا جبانة صفية وفتحوها لقيوا النعش وقالولي إن النعش ده خشبه من أحسن أنواع الخشب وممكن أستفيد منه وأنا أديته لشحاتة بتاع الموبيليا وقولتله يتصرف فيه، ومن هنا النعش وصلكم

عفاريت وفيتر

سكتنا انا والشيخ عبدالله، مش عارفين إحنا وصلنا لإيه؟ احنا وصلنا لحيطة سد... سكوتنا مدامش كتير لأن الحاج عباس الثري قالنا:
_ انا هقولكوا على حاجة يمكن تساعدكوا ، بكرة الشيخ عثمان هيجي يصلي معانا الجمعة وبعد الصلاة أقعدوا اتكلموا معاه.. على فكرة هو اللي كان مجمع الفرقة وعملوا تنضيف للمقابر من السحر والأعمال وهو اللي خرج النعش من جبانة صفية وأبنها، يعني هو الوحيد اللي هيعرف يساعدكوا في المشكلة دي. اتفقنا مع الثري إننا هنجي بكرة نصلي الجمعة سوا ونقابل الشيخ عثمان، وفعلا رجعت البيت على غياب الشمس كده واطمنت على مراتي والولاد بالتليفون، وانا وداخل البيت عدت من جنب النعش من غير ما أبصله خالص وكنت حاسس إن قلبي مقبوض، وانا طالع السلم سمعت صوت الباب بيتقفل رغم إن انا قفلته وانا داخل، والصوت ده خلاني رجعت اتأكد لقيت فعلا الباب مقفول، رجعت تاني طلعت السلم ودخلت أوضة نومي منكرش إن انا كنت خايف وكل ما الوقت بيعدي قلبي بيتقبض أكثر، وخايف النور يتقطع زي ما حصل امبارح، وكمان موبايلي فصل شحن.. سبته جمبي وقعدت على السرير و هنا سمعت همس في ودني بيقول "تابوت صفية لازم يرجع"
قومت مفزوع من مكاني وقعدت أتلفت حواليا، إيه اللي انا سمعته ده، كنت حاسس إن فيه حد معايا في البيت، بلعت ريقى وقعدت على السرير مرة تانية، والمرة دي حسيت بحركة برة الأوضة، مشيت خطوة خطوة ناحية الباب وفتحته وبمجرد ما فتحت الباب لمحت واحدة ست ملفوفة بملاية سودة ومش باين منها أي ملامح، وكانت نازلة على السلم، انا يدوب لمحتها.. لأن في اللحظة دي النور اتقطع وقتها اتكلمت وقولت:
_ مين؟! مين هنا؟! فيه حد هنا?
محدث رد عليا وانا نزلت وراها وانا بكرر نفس الكلام

عفاريت وفيتر

لحد ما وصلت عند التابوت وهناك شوفتها الست اللي لابسة ملاية سودة وكانت قاعدة فوق التابوت وشكل عندها اللي باينة من تحت الملاية بشع، رجعت لورا وانا بقراً قرآن في سري وقتها بس سمعت صرخة عالية نفس الصرخة اللي سمعتها امبارح واختفت الست، أما انا كنت حاسس برعشة في كل حته في جسمي بس الحمد لله النور رجع وخرجت بره البيت اتفاجئت بالشيخ عبدالله جايلي، قولتله:

_ خير يا شيخ عبدالله؟! إيه اللي جابك؟

_ انا جيت أقولك بلاش تبات في البيت النهاردة وروح بات في الجامع.

_ ما انا بعد اللي شوفته ده مكنتش هبات في البيت.

_ اتصلت بيك مرة واتنين ولما لقيت تلفونك مقفول جيتلك بنفسي.

_ فيك الخير يا شيخ عبدالله.

روحت نمت الليلة دي في الجامع وتاني يوم روحنا انا والشيخ عبدالله نصلي الجمعة مع الحاج عباس التربي وبعد الصلاة عرفنا على الشيخ عثمان وقعدنا اتكلمنا معاه وحكىنا له كل حاجة ولما خلصنا كلامنا الشيخ طلب من الحج عباس حاجة غريبة قاله:

_ يا حاج عباس الجماعة قالوا اللي يعرفوه، لكن لسه الحكاية مكملتش واللي

هيكملها لنا حد من طرف المرحومة صفية، ابعت هاتلنا واحدة من بنات صفية..

اكيد بيجوا يزوروا قبر أمهم وانت تعرفهم.

_ أيوه.. أيوه أعرفهم، حالا هبعثلهم حالاً.

وبعد اكثر من ساعة واحنا قاعدين في بيت الحاج عباس، لقيناه داخل علينا

ومعاه واحدة ست وشايلة طفل على كتفها، أول ما دخلت رمت السلام

وقالت:

_ انا "سامية" بنت المرحومة صفية.

الشيخ عثمان ادالها فكرة عن اللي حصل وسألها:

_ وانتوا ليه دخلتوا النعش جوه الجبانة بعد ما دفنتوا أمكوا؟

عفارييت وفييت

_ زمان يا سيدنا الشيخ كان ابويا بينه وبين عمي خلافات ومشاكل كثير، وابويا مات وماعرفناش ناخذ حقنا من عمنا ولما كبر أخويا "حاتم" فتح مجل نجارة وأممي كانت تقوله دور على حق أبوك ومتسبش حقاك وحق اخوات حتى لو فيها موت عمك، وحاتم علشان يفرح أمه عمل النعش وكتب عليه اسم أممي وتاريخ سنة 2007، وقالها انا هجيبلك جثة عمي هنا جوه التابوت ده، ولما عمي عرف بالموضوع بعث بلطجية خلاهم دبحوا حاتم وهو في المحل وخطوه جوه النعش، ولما أممي عرفت ماستحملتش موت ابنها الوحيد وفي اليوم اللي اتدفن فيه، أممي قالتنا "لما أموت دخلوا النعش معايا جوا قبوري" وشربت سم ونامت جوه النعش وتاني يوم الصبح لقيناها في المحل نائمة جوة النعش بس كانت ميتة، وفعلا نفذنا وصيتها وقولنا للحج عباس يدخل النعش معاها التربة.

فضلنا كلنا ساكتين لحد ما الشيخ عثمان قالنا:

_ تروحوا تجيبوا النعش وتيجوا على التراب على قبر صفية.

روحنا انا والشيخ عبدالله جنباه وروحنا بيه على قبر صفية لقينا الحج عباس فاتح لنا القبر، والشيخ عثمان واقف يقرأ قرآن وهناك دخلنا النعش لقبر صفية مرة تانية وقفلنا القبر، والشيخ عثمان طمنا وقالنا:

_ خلاص يا جماعة متقلقوش.. مش هتحصل حاجة تاني وإن احتاجتوني في أي وقت كلموني.

سلمنا على بعض وكل واحد فينا رجع لبيته وحياته وانا كمان رجعت مراتي والعيال للبيت، لكن الحياة الهادية مادامتش كثير لأن بعد اسبوع واحد بعد نص الليل الباب خبط نزلت اشوف مين لقيت التابوت عند مدخل الباب وصفية قاعدة فوقه وبتضحك بصوت مزعج ومع صوت ضحكها الكهريا اتقطعت

عظايرت صفيته

